

Visoki predstavnik i specijalni predstavnik EU poziva na otvorenu i konstruktivnu debatu

Visoki predstavnik i specijalni predstavnik EU, Valentin Inzko, danas se tokom odvojenih susreta sastao s liderom HDZ-a Draganom Čovićem i liderom SDP-a Zlatkom Lagumdžijom.

Ovi sastanci su dio u nizu konsultacija koje visoki predstavnik i specijalni predstavnik EU održava s visokopozicioniranim političarima u periodu pred održavanje izbora, 3. oktobra.

Tokom današnjih razgovora, visoki predstavnik i specijalni predstavnik EU je naglasio, kao što je to ranije radio i kao što će nastaviti da radi i ubuduće, da se ozbiljni izazovi s kojima se suočavaju građani Bosne i Hercegovine mogu prevazići jedino putem zajedničkih napora i konstruktivnog i otvorenog dijaloga.

Istovremeno je upozorio da negativna retorika, koja je obilježila prošle izbore, građanima Bosne i Hercegovine ne nudi rješenja i obećava samo politički zastoj.